

# 能断金刚般若波罗密多经释 科判

唐三藏法师玄奘 奉诏译 太虚法师 二十年七月在华北居士林讲

释道净 整理 20240728 2 稿 微信 qq 973451196 校对 禁止商用篡改 法律责任必究

表 0-1: (2 表) 总表

		科判		经文								
悬论分二		一明佛法大义										
		二解本经题目分三		甲考异译								
				乙讲经题		能断金刚般若波罗密多经						
				丙讲译题		唐三藏法师玄奘 奉诏译						
释经分三	甲一序分分二（表1）			乙一通序								
				乙二别序								
	乙一请分二（表1）		丙一请仪									
			丙二请词分二		丁一赞叹词							
					丁二请问词							
	乙二许分二（表1）			丙一许说								
				丙二愿闻								
	丙一示宗本答三问分三（表2）	丁一答应云何住分四		戊一广大心								
				戊二最胜心								
				戊三究竟心								
				戊四无颠倒心								
		丁二答云何修行										
				丁三答云何摄伏其心分二		戊一正答						
						戊二逐释分四		己一法说				
		己二譬说										
		己三法合										
		己四劝信										
	甲二正宗分分三	乙三正说分二	丙二断余疑分三	丁一断所行疑分三	戊一三断一校分二		己一断疑分三		庚一为求佛果行施疑（表2）			
									庚二因果极深难信疑（表2~3）			
									庚三佛果有证有说疑（表3）			
							己二校福（表3）					
					戊二三断二校分二		己一断疑分三		庚一诸圣证得自果疑（表3~4）			
			庚二因地依他取法疑（表4）									
			庚三庄严国土佛身疑（表4）									
			己二校福分二				庚一外财施校分二		辛一正校量（表4）			
庚二内身施校分三（表5）							辛二释所以分三		壬一第一释所以（表4）			
					壬二第二释所以（表4）							
		壬三第三释所以（表5）										
				辛一正校量								
						辛二善现领悟						
								辛三持经胜德				
戊三三断一校分二		己一断疑分三（表6）				庚一持法苦行招苦疑						
						庚二离想不成胜果疑						
						庚三真如或证不证疑						
		己二校福分三		庚一持法福胜（表6）								
				庚二施身校量（表6）								
				庚三广释所以分六		辛一第一释所以（表6）						
						辛二第二释所以（表6）						
						辛三第三释所以（表7）						
辛四第四释所以（表7）												
辛五第五释所以（表7）												
				辛六第六释所以（表7）								

表 0-2: (2 表) 总表

释经分三	甲二正宗分分三	乙三正说分二	丙二断余疑分三	丁三断行果疑分四	丁二断行人疑分二		戊一重叙宗本（表 7）		己一无人修因证果疑			
							戊二进断所疑分二（表 8）		己二无人度生严土疑			
					戊一断三轮疑分二（表 9）	己一别断三轮疑分三	庚一意轮见知					
							庚二身轮福相分二	辛一从因缘所生福聚明身轮之因				
										辛二正明身轮		
						庚三语轮说法						
						己二总断难信疑						
					戊二断三相疑分三（表 10）						己一成正觉	
											己二转法轮	
											己三度众生	
					戊三断三身疑分三		己一即应观真（表 10）					
							己二报化断灭（表 10）					
							己三法化非一分二（表 11）		庚一法化不离			
					庚二法化不即							
					戊四断三德疑分三（表 11）						己一断德	
											己二恩德	
己三智德												
甲三流通分（表 11）												

表 1: (11 表)

科判				经文
悬论分二	一明佛法大义			
	二解本经题目分三	甲考异译		
		乙讲经题	能断金刚般若波罗密多经	
		丙讲译题	唐三藏法师玄奘 奉诏译	
释经分三	甲一序分分二		乙一通序	如是我闻：一时薄伽梵在室罗筏，住逝多林给孤独园，与大苾刍众千二百五十人俱。
			乙二别序	尔时，世尊于日初分，整理常服，执持衣钵，入室罗筏大城乞食。 时薄伽梵于其城中行乞食已，出还本处。 饭食訖，收衣钵，洗足已。 于食后时，敷如常座，结跏趺坐。 端身正愿，住对面念。
	甲二正宗分分三	乙一请分二	丙一请仪	时诸苾刍来诣佛所。 到已，顶礼世尊双足，右绕三匝，退坐一面。 具寿善现亦于如是众会中坐。 尔时，众中具寿善现从座而起，偏袒一肩，右膝着地，合掌恭敬而白佛言：
			丙二请词分二	丁一赞叹词 ‘希有世尊！乃至如来应正等觉能以最胜摄受，摄受诸菩萨摩訶萨，乃至如来应正等觉能以最胜付嘱，付嘱诸菩萨摩訶萨。’
			丁二请问词	‘世尊！诸有发趣菩萨乘者，应云何住？云何修行？云何摄伏其心？’
		乙二许分二	丙一许说	作是语已，尔时世尊告具寿善现曰： ‘善哉！善哉！善现！如是！如是。 如汝所说‘乃至如来应正等觉能以最胜摄受，摄受诸菩萨摩訶萨，乃至如来应正等觉能以最胜付嘱，付嘱诸菩萨摩訶萨’。 是故善现，汝应谛听，极善作意、吾当为汝分别解说。 诸有发趣菩萨乘者，应如是住、如是修行、如是摄伏其心。’
			丙二愿闻	具寿善现白佛言：‘如是世尊！愿乐欲闻！’

表 2: (11 表)

释经分三	甲二正宗分分三	乙三正说分二	丙一示宗本答三问分三	丁一答应云何住分四	戊一广大心	佛言：‘善现！诸有发趣菩萨乘者，应当发起如是之心：所有诸有情有情摄所摄，若卵生、若胎生、若湿生、若化生，若有色、若无色，若有想、若无想，若非有想非无想，乃至有情界施設所施設如是一切’。	
					戊二最胜心	‘我当皆令于无余依妙涅槃界而般涅槃！’	
					戊三究竟心	‘虽度如是无量有情令灭度已，而无有情得灭度者。何以故？善现！若诸菩萨摩诃萨有情想转，不应说名菩萨摩诃萨。’	
					戊四无颠倒心	‘所以者何？善现！若诸菩萨摩诃萨，不应说言有情想转，如是命者想、士夫想、补特伽罗想、意生想、摩纳婆想、作者想、受者想转，当知亦尔。何以故？善现！无有少法名为发趣菩萨乘者。’	
				丁二答云何修行		‘复次善现！菩萨摩诃萨，不住于事应行布施，都无所住应行布施，不住于色应行布施，不住声、香、味、触、法应行布施。’	
				丁三答云何摄伏其心分二	戊一正答	‘善现！如是菩萨摩诃萨，如不住相想，应行布施。’	
					戊二逐释分四	己一法说	‘何以故？善现！若菩萨摩诃萨，都无所住而行布施，其福德聚不可取量。’
						己二譬说	佛告善现：‘于汝意云何？东方虚空可取量不？’ 善现答言：‘不也！世尊！’ ‘善现！如是南、西、北方、四维、上、下、周遍十方一切世界虚空可取量不？’ 善现答言：‘不也！世尊！’
						己三法合	佛言：‘善现！如是如是，若菩萨摩诃萨都无所住而行布施，其福德聚不可取量，亦复如是。’
						己四劝信	‘善现！菩萨如是如不住相想，应行布施。’
			丙二断余疑分三	丁一断所行疑分三	戊一三断一校分二	庚一为求佛果行施疑	佛告善现：‘于汝意云何？可以诸相具足观如来不？’ 善现答言：‘不也！世尊！不应以诸相具足观于如来。何以故？如来说诸相具足，即非诸相具足。’ 说是语已，佛复告具寿善现言： ‘善现！乃至诸相具足皆是虚妄，乃至非相具足皆非虚妄；如是以相非相，应观如来！’
						庚二因果极深信疑	说是语已，具寿善现复白佛言： ‘世尊！颇有有情，于当来世后时后分后五百岁、正法将灭时分转时，闻说如是色经典句，生实想不？’ 佛告善现：‘勿作是说颇有有情，于当来世后时后分后五百岁、正法将灭时分转时，闻说如是色经典句生实想不。然复善现，有菩萨摩诃萨，于当来世后时后分后五百岁、正法将灭时分转时，具足尸罗、具德、具慧。 复次，善现！彼菩萨摩诃萨非于一佛所承事供养，非于一佛所种诸善根； 然复善现，彼菩萨摩诃萨于其非一百千佛所承事供养，于其非一百千佛所种诸善根，乃能闻说如是色经典句，当得一净信心。 善现！如来以其佛智悉已知彼，如来以其佛眼悉已见彼。 善现！如来悉已觉彼一切有情，当生无量无数福聚，当摄无量无数福聚。 何以故？善现！彼菩萨摩诃萨，无我想转，无有情想、无命者想、无士夫想、无补特伽罗想、无意生想、无摩纳婆想、无作者想、无受者想转。 善现！彼菩萨摩诃萨，无法想转，无非法想转；无想转，亦无非想转。’

表 3: (11 表)

释经分三 甲二正宗分分三 乙三正说分二	丙二断余疑分三	丁一断所行疑分三	戊一三断一校分二	己一断疑分三	庚二因果极深难信疑	<p>所以者何？善现！若菩萨摩訶萨有法想转，彼即应有我执、有情执、命者执、补特伽罗等执；若有非法想转，彼亦应有我执、有情执、命者执、补特伽罗等执。</p> <p>何以故？善现！不应取法，不应取非法。</p> <p>是故如来密意而说筏喻法门：诸有智者，法尚应断，何况非法！’</p>
				己二校福	庚三佛有证有说疑	<p>佛复告具寿善现言：‘善现！于汝意云何？</p> <p>颇有少法，如来应正等觉证得阿耨多罗三藐三菩提耶？</p> <p>颇有少法，如来应正等觉是所说耶？’</p> <p>善现答言：‘世尊！如我解佛所说义者，无有少法，如来应正等觉证得阿耨多罗三藐三菩提；</p> <p>亦无有少法，是如来应正等觉所说。何以故？</p> <p>世尊！如来应正等觉所证、所说、所思惟法，皆不可取，不可宣说，非法、非非法。</p> <p>何以故？以诸贤圣补特伽罗，皆是无为之所显故。’</p>
				己二校福		<p>佛告善现：‘于汝意云何？若善男子或善女人，以此三千大千世界盛满七宝、持用布施，是善男子或善女人，由此因缘所生福聚宁为多不？’</p> <p>善现答言：‘甚多，世尊！甚多，善逝。是善男子或善女人，由此因缘所生福聚，其量甚多。何以故？</p> <p>世尊！福德聚福德聚者，如来说为非福德聚，是故如来说名福德聚福德聚。’</p> <p>佛复告善现言：‘善现！若善男子或善女人，以此三千大千世界盛满七宝、持用布施，若善男子或善女人，于此法门乃至四句伽陀，受持、读诵、究竟通利，及广为他宣说开示、如理作意，由是因缘所生福聚，甚多于前无量无数。何以故？</p> <p>一切如来应正等觉阿耨多罗三藐三菩提皆从此经出，诸佛世尊皆从此经生。所以者何？</p> <p>善现！诸佛法诸佛法者，如来说为非诸佛法，是故如来说名诸佛法诸佛法。’</p>
				己一断疑分三	庚一圣得果证自疑	<p>佛告善现：‘于汝意云何？诸预流者颇作是念，我能证得预流果不？’</p> <p>善现答言：‘不也！世尊！诸预流者不作是念，我能证得预流之果。何以故？</p> <p>世尊！诸预流者，无少所预，故名预流；不预色、声、香、味、触、法，故名预流。</p> <p>世尊！若预流者作如是念，我能证得预流之果，即为执我、有情、命者、士夫、补特伽罗等。’</p> <p>佛告善现：‘于汝意云何？诸一来者颇作是念，我能证得一来果不？’</p> <p>善现答言：‘不也！世尊！诸一来者不作是念，我能证得一来之果。何以故？世尊！以无少法证一来性，故名一来。’</p> <p>佛告善现：‘于汝意云何？诸不还者颇作是念，我能证得不还果不？’</p> <p>善现答言：‘不也，世尊！诸不还者不作是念，我能证得不还之果。何以故？世尊！以无少法证不还性，故名不还。’</p> <p>佛告善现：‘于汝意云何？诸阿罗汉颇作是念，我能证得阿罗汉不？’</p> <p>善现答言：‘不也，世尊！诸阿罗汉不作是念，我能证得阿罗汉性。何以故？</p> <p>世尊！以无少法名阿罗汉，由是因缘名阿罗汉。</p> <p>世尊！若阿罗汉作如是念，我能证得阿罗汉性，即为执我、有情、命者、士夫、补特伽罗等。所以者何？</p>

表 4: (11 表)

释经分三 甲二正宗分分三 乙三正说分二	丙二断余疑分三	丁一断所行疑分三	戊二三断二校分二	己一断疑分三	庚一诸圣证得自果疑	世尊！如来应正等觉说我得无诤住、最为第一。 世尊！我虽是阿罗汉永离贪欲，而我未曾作如是念，我得阿罗汉永离贪欲。 世尊！我若作如是念，我得阿罗汉永离贪欲者，如来不应记说我言：‘善现善男子得无诤住最为第一。’ 以都无所住，是故如来说名无诤住无诤住。’				
						庚二因地依他取法疑	佛告善现：‘于汝意云何？如来昔在然灯如来应正等觉所，颇于少法有所取不？’ 善现答言：‘不也，世尊！如来昔在然灯如来应正等觉所，都无少法而有所取。’			
							庚三庄严国土佛身疑	佛告善现：‘若有菩萨作如是言：‘我当成办佛土功德庄严’，如是菩萨非真实语。何以故？ 善现！佛土功德庄严、佛土功德庄严者，如来说非庄严，是故如来说名佛土功德庄严、佛土功德庄严。 是故善现！菩萨如是都无所住应生其心：不住于色应生其心，不住非色应生其心，不住声、香、味、触、法应生其心，不住非声、香、味、触、法应生其心，都无所住应生其心。’ 佛告善现：‘如有士夫具身大身，其色自体假使譬如妙高山王。善现！于汝意云何？彼之自体为广大不？’ 善现答言：‘彼之自体广大，世尊！广大，善逝！何以故？世尊！彼之自体，如来说非彼体，故名自体。 非以彼体，故名自体。’		
					辛一正校量	佛告善现：‘于汝意云何？乃至殑伽河中所有沙数，假使有如是沙等殑伽河，是诸殑伽河沙，宁为多不？’ 善现答言：‘甚多，世尊！甚多，善逝！诸殑伽河尚多无数，何况其沙！’ 佛言善现：‘吾今告汝，开觉于汝：假使若善男子或善女人，以妙七宝，盛满尔所殑伽河沙等世界奉施如来应正等觉； 善现！于汝意云何？是善男子或善女人，由此因缘所生福聚宁为多不？’ 善现答言：‘甚多，世尊！甚多，善逝！是善男子或善女人，由此因缘所生福聚，其量甚多。’ 佛复告善现：‘若以七宝、盛满尔所沙等世界奉施如来应正等觉。 若善男子或善女人，于此法门乃至四句伽陀，受持、读诵、究竟通利、及广为他宣说开示、如理作意，由此因缘所生福聚，甚多于前无量无数。’				
						辛二释所以分三		壬一第一释所以	‘复次善现！若地方所，于此法门，乃至为他宣说开示四句伽陀，此地方所，尚为世间诸天及人、阿素洛等之所供养，如佛灵庙。 何况有能于此法门，具足究竟书写、受持、读诵、究竟通利、及广为他宣说开示、如理作意？ 如是有情，成就最胜希有功德。 此地方所，大师所住，或随一一尊重处所，若诸有智同梵行者。’	
									壬二第二释所以	说是语已，具寿善现复白佛言：‘世尊！当何名此法门？我当云何奉持？’ 作是语已，佛告善现言：‘具寿！今此法门，名为能断金刚般若波罗密多；如是名字，汝当奉持。何以故？ 善现！如是般若波罗密多，如来说为非般若波罗密多；是故如来说名般若波罗密多。’ 佛告善现：‘于汝意云何？颇有少法，如来可说不？’ 善现答言：‘不也，世尊！无有少法，如来可说。’
								庚一外财施校分二		

表 5: (11 表)

释经分三 甲二正宗分分三 乙三正说分二	丙二断余疑分三	丁一断所行疑分三	戊二三断二校分二	己二校福分二	庚一外财施校分二	辛二释所以分三	壬三第 三释所以	<p>佛告善现：‘乃至三千大千世界大地微尘，宁为多不？’</p> <p>善现答言：‘此地微尘，甚多，世尊！甚多，善逝！’</p> <p>佛言：‘善现！大地微尘，如来说非微尘，是故如来说名大地微尘。</p> <p>诸世界，如来说非世界，是故如来说名世界。’</p> <p>佛告善现：</p> <p>‘于汝意云何？应以三十二大士夫相，观于如来应正等觉不？’</p> <p>善现答言：‘不也，世尊！不应以三十二大士夫相，观于如来应正等觉。何以故？</p> <p>世尊！三十二大士夫相，如来说为非相，是故如来说名三十二大士夫相。’</p>
					庚二内身施校分三	辛一正校量		<p>佛复告善现言：‘假使若有善男子或善女人，于日日分、舍施殍伽河沙等自体，如是经殍伽河沙等劫数舍施自体；</p> <p>复有善男子或善女人，于此法门乃至四句伽陀，受持、读诵、究竟通利，及广为他宣说开示、如理作意；由是因缘所生福聚，甚多于前无量无数。’</p>
						辛二善现领悟		<p>尔时，具寿善现，闻法威力，悲泣堕泪，俯仰扞泪而白佛言：</p> <p>‘甚奇希有，世尊！最极希有，善逝！</p> <p>如来今者所说法门，普为发趣最上乘者，作诸义利，普为发趣最胜乘者、作诸义利。</p> <p>世尊！我昔生智以来，未曾得闻如是法门。</p> <p>世尊！若诸有情，闻说如是甚深经典、生真实想，当知成就最胜希有。何以故？</p> <p>世尊！诸真实想、真实想者，如来说为非想，是故如来说名真实想、真实想。</p> <p>世尊！我今闻说如是法门，领悟信解，未为希有。</p> <p>若诸有情，于当来世后时分后五百岁，正法将灭时分转时，当于如是甚深法门，领悟信解、受持、读诵、究竟通利及广为他宣说开示、如理作意，当知成就最胜希有。何以故？</p> <p>世尊！彼诸有情无我想转，无有情想、无命者想、无士夫想、无补特伽罗想、无意生想、无摩纳婆想、无作者想、无受者想转。所以者何？</p> <p>世尊！诸我想、即是非想，诸有情想、命者想、士夫想、补特伽罗想、意生想、摩纳婆想、作者想、受者想、即是非想；</p> <p>何以故？诸佛世尊离一切想。’</p>
						辛三持经胜德		<p>作是语已，尔时世尊告具寿善现言：</p> <p>‘如是，如是，善现！若诸有情，闻说如是甚深经典，不惊不惧无有怖畏，当知成就最胜希有。何以故？</p> <p>善现！如来说最胜波罗蜜多，谓般若波罗蜜多。</p> <p>善现！如来所说最胜波罗蜜多，无量诸佛世尊所共宣说，故名最胜波罗蜜多。</p> <p>如来说最胜波罗蜜多，即非波罗蜜多，是故如来说名最胜波罗蜜多。’</p>

表 6: (11 表)

释经分三 甲二正宗分分三 乙三正说分二	丙二断余疑分三	丁一断所行疑分三	戊三三断一校分二	己一断疑分三	庚一持法苦招苦疑	<p>‘复次，善现！如来说忍辱波罗蜜多，即非波罗蜜多，是故如来说名忍辱波罗蜜多。何以故？</p> <p>善现！我昔过去世、曾为羯利王断肢节肉，我于尔时都无我想、或有情想、或命者想、或士夫想、或补特伽罗想、或意生想、或摩纳婆想、或作者想、或受者想，我于尔时都无有想；亦非无想。何以故？</p> <p>善现！我于尔时若有我想，即于尔时应有慧想；我于尔时若有有情想、命者想、士夫想、补特伽罗想、意生想、摩纳婆想、作者想、受者想，即于尔时应有慧想。何以故？</p> <p>善现！我忆过去五百生中，曾为自号忍辱仙人，我于尔时都无我想、无有情想、无命者想、无士夫想、无补特伽罗想、无意生想、无摩纳婆想、无作者想、无受者想，我于尔时都无有想；亦非无想。</p> <p>是故善现！菩萨摩訶萨，远离一切想，应发阿耨多罗三藐三菩提心。</p> <p>不住于色应生其心，不住非色应生其心；</p> <p>不住声、香、味、触、法应生其心，不住非声、香、味、触、法应生其心，都无所住应生其心。何以故？</p> <p>善现！诸有所住则为非住，是故如来说诸菩萨应无所住而行布施；</p> <p>不应住色、声、香、味、触、法而行布施。</p> <p>复次，善现！菩萨摩訶萨、为诸有情作义利故，应当如是弃舍布施。何以故？</p> <p>善现！诸有情想，即是非想；一切有情，如来即说为非有情。’</p>		
						庚二离想不成胜果疑	<p>‘善现！如来是实语者、谛语者、如语者、不异语者。</p> <p>复次，善现！如来现前等所证法，或所说法、或所思法，即于其中非谛非妄。’</p>	
						庚三真如或证不证疑	<p>‘善现！譬如士夫，入于闇室，都无所见。</p> <p>当知菩萨若堕于事，谓堕于事而行布施，亦复如是。</p> <p>善现！譬如明眼士夫，过夜晓已日光出时，见种种色。</p> <p>当知菩萨不堕于事，谓不堕事而行布施，亦复如是。’</p>	
				己二校福分三	庚一持法福胜	<p>‘复次，善现！若善男子或善女人，于此法门，受持、读诵、究竟通利及广为他宣说开示、如理作意，则为如来以其佛智悉知是人，则为如来以其佛眼悉见是人，则为如来悉觉是人。</p> <p>如是有情，一切当生无量福聚。’</p>		
					庚二施身校量	<p>‘复次，善现！假使善男子或善女人，日初时分、以殒伽河沙等自体布施，日中时分、复以殒伽河沙等自体布施，日后时分、亦以殒伽河沙等自体布施；</p> <p>由此异门，经于俱胝那庾多百千劫以自体布施。</p> <p>若有闻说如是法门，不生诽谤，由此因缘所生福聚，尚多于前无量无数。</p> <p>何况能于如是法门，具足毕竟书写、受持、读诵、究竟通利及广为他宣说开示、如理作意！’</p>		
						庚三广释所以分六	辛一第一释所以	<p>‘复次，善现！如是法门，不可思议，不可称量；应当希冀不可思议所感异熟。</p> <p>善现！如来宣说如是法门，为欲饶益趣最上乘诸有情故，为欲饶益趣最胜乘诸有情故。’</p>
				辛二第二释所以	<p>‘善现！若有于此法门，受持、读诵、究竟通利及广为他宣说开示、如理作意，即为如来以其佛智悉知是人，即为如来以其佛眼悉见是人，则为如来悉觉是人。</p> <p>如是有情，一切成就无量福聚；</p> <p>皆当成就不可思议不可称量无边福聚。’</p>			

表 7: (11 表)

释经分三 甲二正宗分分三 乙三正说分二	丙二断余疑分三	丁一断所行疑分三	戊三三断一校分二	己二校福分三	庚三广释所以分六	辛三第三释所以	<p>‘善现！如是一切有情，其肩荷担如来无上正等菩提。</p> <p>何以故？善现！如是法门，非诸下劣信解有情所能听闻，非诸我见、非诸有情见、非诸命者见、非诸士夫见、非诸补特伽罗见、非诸意生见、非诸摩纳婆见、非诸作者见、非诸受者见、所能听闻；</p> <p>此等若能受持、读诵、究竟通利及广为他宣说开示、如理作意，无有是处。</p> <p>复次，善现！若地方所，闻此经典，此地方所、当为世间诸天及人、阿素洛等之所供养、礼敬右绕，如佛灵庙。’</p>
						辛四第四释所以	<p>‘复次，善现！若善男子或善女人，于此经典，受持、读诵、究竟通利及广为他宣说开示、如理作意，若遭轻毁、极遭轻毁。所以者何？</p> <p>善现！是诸有情，宿生所造诸不净业，应感恶趣；以现法中遭轻毁故，宿生所造诸不净业，皆悉消尽，当得无上正等菩提。’</p>
						辛五第五释所以	<p>‘何以故？善现！我忆过去于无数劫，复过无数，于然灯如来应正等觉，先复过去曾值八十四俱胝那庾多百千诸佛，我皆承事，既承事已皆无违犯。</p> <p>善现！我于如是诸佛世尊皆得承事，既承事已皆无违犯。</p> <p>若诸有情后时后分后五百岁、正法将灭时分转时，于此经典，受持、读诵、究竟通利及广为他宣说开示、如理作意。</p> <p>善现！我先福聚，于此福聚、百分计之所不能及，如是千分、若百千分、若俱胝百千分、若俱胝那庾多百千分、若数分、若计分、若算分、若喻分、若邬波尼杀昙分，亦不能及。’</p>
						辛六第六释所以	<p>‘善现！我若具说，当于尔时是善男子或善女人所生福聚，乃至是善男子或善女人所摄福聚，有诸有情则便迷闷，心或狂乱。</p> <p>是故善现！如来宣说如是法门，不可思议、不可称量，应当希冀不可思议所感异熟。’</p>
		丁二断行人疑分二	戊一重叙宗本	<p>尔时，具寿善现复白佛言：</p> <p>‘世尊！诸有发趣菩萨乘者，应云何住？云何修行？</p> <p>云何摄伏其心？’</p> <p>佛告善现：</p> <p>‘诸有发趣菩萨乘者，应当发起如是之心：</p> <p>我当皆令一切有情，于无余依妙涅槃盘界而般涅槃，虽度如是一切有情令灭度已，而无有情得灭度者。何以故？</p> <p>善现！若诸菩萨摩诃萨有情想转，不应说名菩萨摩诃萨。</p> <p>所以者何？若诸菩萨摩诃萨，不应说言有情想转，如是命者想、士夫想、补特伽罗想、意生想、摩纳婆想、作者想、受者想转，当知亦尔。何以故？</p> <p>善现！无有少法，名为发趣菩萨乘者。’</p>			



表 8: (11 表)

释经分三 甲二正宗分分三 乙三正说分二	丙二断余疑分三	丁二断行人疑分二	戊二进断所疑分二	己一无人修 因证果疑	<p>佛告善现： ‘于汝意云何？如来昔于然灯如来应正等觉所，颇有少法能证阿耨多罗三藐三菩提不？’ 作是语已，具寿善现白佛言： ‘世尊！如我解佛所说义者，如来昔于然灯如来应正等觉所，无有少法，能证阿耨多罗三藐三菩提。’ 说是语已，佛告具寿善现言： ‘如是！如是！善现！如来昔于然灯如来应正等觉所，无有少法，能证阿耨多罗三藐三菩提。何以故？ 善现！如来昔于然灯如来应正等觉所，若有少法能证阿耨多罗三藐三菩提者，然灯如来应正等觉不应授我记言： ‘汝摩纳婆，于当来世名释迦牟尼如来应正等觉。’ 善现！以如来无有少法能证阿耨多罗三藐三菩提，是故然灯如来应正等觉授我记言： ‘汝摩纳婆，于当来世名释迦牟尼如来应正等觉。’ 所以者何？ 善现！言如来者，即是真实、真如增语； 言如来者，即是无生、法性增语； 言如来者，即是永断道路增语； 言如来者，即是毕竟不生增语。 何以故？ 善现！若实无生，即最胜义。 善现！若如是说： 如来应正等觉能证阿耨多罗三藐三菩提者，当知此言为不真实。 所以者何？善现！由彼谤我起不实执，何以故？ 善现！无有少法，如来应正等觉能证阿耨多罗三藐三菩提。 善现！如来现前等所证法，或所说法，或所思法，即于其中非谛非妄。是故如来说一切法皆是佛法。 善现！一切法一切法者，如来说非一切法，是故如来说名一切法一切法。’</p> <p>佛告善现： ‘譬如士夫、具身大身。’ 具寿善现即白佛言： ‘世尊！如来所说士夫具身大身，如来说为非身，是故说名具身大身。’ 佛言善现： ‘如是，如是。若诸菩萨作如是言： ‘我当灭度无量有情’，是则不应说名菩萨。何以故？ 善现！颇有少法，名菩萨不？’ 善现答言： ‘不也！世尊！无有少法名为菩萨。’ 佛告善现： ‘有情有情者，如来说非有情，故名有情。 是故如来说一切法，无有有情、无有命者、无有士夫、无有补特伽罗等。 善现！若诸菩萨作如是言： ‘我当成办佛土功德庄严’，亦如是说。何以故？ 善现！佛土功德庄严、佛土功德庄严者，如来说非庄严，是故如来说名佛土功德庄严、佛土功德庄严。 善现！若诸菩萨于无我法、无我法深信解者，如来应正等觉说为菩萨。’</p>
				己二无人度 生严土疑	

表 9: (11 表)

释经分三 甲二正宗分分三 乙三正说分二	丙二断余疑分三	丁三断行果疑分四	戊一断三轮疑分二	己一别断三轮疑分三	庚一意轮见知	<p>佛告善现：‘于汝意云何？如来等现有肉眼不？’  善现答言：‘如是，世尊！如来等现有肉眼。’  佛言善现：‘于汝意云何？如来等现有天眼不？’  善现答言：‘如是，世尊！如来等现有天眼。’  佛言善现：‘于汝意云何？如来等现有慧眼不？’  善现答言：‘如是，世尊！如来等现有慧眼。’  佛言善现：‘于汝意云何？如来等现有法眼不？’  善现答言：‘如是，世尊！如来等现有法眼。’  佛言善现：‘于汝意云何？如来等现有佛眼不？’  善现答言：‘如是，世尊！如来等现有佛眼。’  佛告善现：‘于汝意云何？乃至殑伽河中所有诸沙，如来说是沙不？’  善现答言：‘如是，世尊！如是，善逝！如来说是沙。’  佛言善现：‘于汝意云何？乃至殑伽河中所有沙数，假使有如是等殑伽河，乃至是诸殑伽河中所有沙数；假使有如是等世界，是诸世界宁为多不？’  善现答言：‘如是，世尊！如是，善逝！是诸世界其数甚多。’  佛言善现：‘乃至尔所诸世界中所有有情，彼诸有情，各有种种其心流注，我悉能知。何以故？’  善现！心流注、心流注者，如来说非流注，是故如来说名心流注、心流注。  所以者何？善现！过去心不可得，未来心不可得，现在心不可得。’</p>
					庚二身轮福相分二	<p>辛一从因缘所生福聚明身轮之因</p> <p>佛告善现：‘于汝意云何？若善男子或善女人，以此三千大千世界盛满七宝、奉施如来应正等觉，是善男子或善女人，由是因缘所生福聚，宁为多不？’  善现答言：‘甚多，世尊！甚多，善逝！’  佛言：‘善现！如是，如是。’  彼善男子或善女人，由此因缘所生福聚，其量甚多。何以故？  善现！若有福聚，如来说不说福聚福聚。’</p> <p>辛二正明身轮</p> <p>佛告善现：‘于汝意云何？可以色身圆实观如来不？’  善现答言：‘不也，世尊！不可以色身圆实观于如来。何以故？’  世尊！色身圆实、色身圆实者，如来说非圆实，是故如来说名色身圆实、色身圆实。’  佛告善现：‘于汝意云何？可以诸相具足观如来不？’  善现答言：‘不也，世尊！不可以诸相具足观于如来，何以故？’  世尊！诸相具足、诸相具足者，如来说为非相具足，是故如来说名诸相具足、诸相具足。’</p>
					庚三语轮说法	<p>佛告善现：‘于汝意云何？如来颇作是念，我当有所说法耶？善现！汝今勿当作如是观。何以故？’  善现！若言如来有所说法，即为谤我，为非善取。何以故？  善现！说法说法者，无法可得，故名说法。’</p>
					己二总断难信疑	<p>尔时，具寿善现白佛言：  ‘世尊！于当来世后时分后五百岁、正法将灭时分转时，颇有有情，闻说如是色类法已能深信不？’  佛言善现：‘彼非有情，非不有情。何以故？’  善现！一切有情者，如来说非有情，故名一切有情。’</p>

表 10: (11 表)

释经分三 甲二正宗分分三 乙三正说分二	丙二断余疑分三	丁三断行果疑分四	戊二断三相疑分三	己一成正觉	<p>佛告善现：‘于汝意云何？颇有少法，如来应正等觉现证无上正等菩提耶？’</p> <p>具寿善现白佛言：‘世尊！如我解佛所说义者，无有少法，如来应正等觉现证无上正等菩提。’</p> <p>佛言善现：</p> <p>‘如是，如是。于中少法无有得，故名无上正等菩提。’</p>
				己二转法轮	<p>‘复次，善现！是法平等，于其中间无不平等，故名无上正等菩提。以无我性、无有情性、无命者性、无士夫性、无补特伽罗等性平等，故名无上正等菩提。</p> <p>一切善法无不现证，一切善法无不妙觉。</p> <p>善现！善法善法者，如来一切说为非法，是故如来说名善法善法。</p> <p>复次，善现！若善男子或善女人集七宝聚，量等三千大千世界其中所有妙高山王、持用布施；</p> <p>若善男子或善女人，于此般若波罗蜜多经中乃至四句伽陀，受持、读诵、究竟通利及广为他宣说开示、如理作意。</p> <p>善现！前说福聚，于此福聚、百分计之所不能及，如是千分、若百千分、若俱胝百千分、若俱胝那庾多百千分、若数分、若计分、若算分、若喻分、若邬波尼杀昙分亦不能及。’</p>
				己三度众生	<p>佛告善现：‘于汝意云何？如来颇作是念，我当度脱诸有情耶？善现！汝今勿当作如是观。何以故？</p> <p>善现！无少有情如来度者。</p> <p>善现！若有有情如来度者，如来即应有其我执、有有情执、有命者执、有士夫执、有补特伽罗等执。</p> <p>善现！我等执者，如来说为非执，故名我等执，而诸愚夫、异生强有此执。</p> <p>善现！愚夫、异生者，如来说为非生，故名愚夫、异生。’</p>
			戊三断三身疑分三	己一即应观真	<p>佛告善现：‘于汝意云何？可以诸相具足观如来不？’</p> <p>善现答言：‘如我解佛所说义者，不应以诸相具足观于如来。’</p> <p>佛言善现：‘善哉善哉，如是如是。如汝所说，不应以诸相具足观于如来。</p> <p>善现！若以诸相具足观如来者，转轮圣王应是如来；是故不应以诸相具足观于如来，如是应以诸相非相观于如来。’</p> <p>尔时世尊而说颂曰：</p> <p>‘诸以色观我，以音声寻我，彼生履邪断，不能当见我。</p> <p>应观佛法性，即导师法身。法性非所识，故彼不能了。’</p>
				己二报化断灭	<p>佛告善现：</p> <p>‘于汝意云何？如来应正等觉、以诸相具足现证无上正等觉耶？</p> <p>善现！汝今勿当作如是观。何以故？</p> <p>善现！如来应正等觉、不以诸相具足现证无上正等菩提。</p> <p>复次，善现！如是发趣菩萨乘者，颇施設少法若坏若断耶？</p> <p>善现！汝今勿当作如是观。</p> <p>诸有发趣菩萨乘者，终不施設少法若坏若断。</p> <p>复次，善现！若善男子或善女人，以殍伽河沙等世界盛满七宝、奉施如来应正等觉；</p> <p>若有菩萨，于诸无我、无生法中，获得堪忍，由是因缘所生福聚、甚多于彼。</p> <p>复次，善现！菩萨不应摄受福聚。’</p> <p>具寿善现即白佛言：</p> <p>‘世尊！云何菩萨不应摄受福聚？’</p> <p>佛言善现：‘所应摄受，不应摄受，是故说名所应摄受。’</p>

表 11: (11 表)

释经分三 甲二正宗分分三 乙三正说分二	丙二断余疑分三	丁三断行果疑分四	戊三断三身疑分三	己三法化非一分二	庚一法化不离	‘复次，善现！若有说言： 如来若去、若来、若住、若坐、若卧； 是人不解我所说义。何以故？ 善现！言如来者，即是真实真如增语，都无所去、无所从来，故名如来应正等觉。’
					庚二法化不即	‘复次，善现！ 若善男子或善女人，乃至三千大千世界大地极微尘量等世界，即以如是无数世界色像为墨、如极微聚。 善现！于汝意云何？是极微聚宁为多不？’ 善现答言：‘是极微聚，甚多，世尊！甚多，善逝！ 何以故？世尊！若极微聚是实有者，佛不应说为极微聚。所以者何？如来说极微聚，即为非聚，故名极微聚。如来说三千大千世界，即非世界，故名三千大千世界。何以故？世尊！若世界是实有者，即为一合执。如来说一合执，即为非执，故名一合执。’ 佛言善现： ‘此一合执，不可言说，不可戏论； 然彼一切愚夫、异生，强执是法。’
			戊四断三德疑分三	己一断德		‘何以故？善现！ 若作是言： 如来宣说我见、有情见、命者见、士夫见、补特伽罗见、意生见、摩纳婆见、作者见、受者见。 于汝意云何？ 如是所说为正语不？’ 善现答言： ‘不也，世尊！不也，善逝！如是所说非为正语。所以者何？ 如来所说我见、有情见、命者见、士夫见、补特伽罗见、意生见、摩纳婆见、作者见、受者见，即为非见，故名我见、乃至受者见。’ 佛告善现： ‘诸有发趣菩萨乘者，于一切法应如是知、应如是见、应如是信解； 如是不住法想。 何以故？ 善现！法想法想者，如来说为非想，是故如来说名法想法想。’
					己二恩德	‘复次，善现！若菩萨摩诃萨，以无量无数世界盛满七宝、奉施如来应正等觉。 若善男子或善女人，于此般若波罗蜜多经中乃至四句伽陀，受持、读诵、究竟通利、如理作意及广为他宣说开示，由此因缘所生福聚，甚多于前无量无数。 云何为他宣说开示？ 如不为他宣说开示，故名为他宣说开示。’
					己三智德	尔时世尊而说颂曰： ‘诸和合所为——如星、翳、灯、幻、露、泡、梦、电、云，应作如是观。’
			甲三流通分		时薄伽梵说是经已，尊者善现及诸苾刍、苾刍尼、邬波索迦、邬波斯迦，并诸世间天、人、阿素洛、健达缚等，闻薄伽梵所说经已，皆大欢喜，信受奉行。	